

Pierre-Yves Maillard è il nov president

Uniun sindacala svizra pretenda ina revisiun da la AVS

DA LUCAS DEPLAZES / ANR

■ La sonda passada ha il congress da l'Uniun sindacala svizra elegi Yves-Pierre Maillard al timun. Maillard remplazza Paul Rechsteiner ch'ha abdicà suenter ventg onns. Cun in'iniziativa dal pievel pretenda l'Uniun sindacala svizra ina revisiun da l'AVS. Uss è finalmain temp per ina dunna, ha la cumisiun da las dunnas en l'Uniun sindacala svizra (USS) proclamà cun auta vusch la sonda passada a chaschun dal congress en il Kursaal a Berna. Cun la cussegliera naziunala Barbara Gysi han ellas favurisa ina dunna engaschada cun gronda experienscha sin il sector social. Gysi è vicepresidente da la Partida socialdemocratica (pss) e presidescha il sindicat dal personal da la confederaziun (PVB). Tar sia preschentaziun als delegads ha ella fatg ina buna impressiun. Ina prognosa n'era betg pussaivla. Las delegadas ed ils delegads han tuttina vuli in um. Cun 115 vuschs han els preferi Pierre-Yves Maillard. Gysi ha fatg 84 vuschs. Maillard ha punctuà la muntada da la solidaritad en noss pajais. El vul plinavant s'engaschar per limitar las premias per las cassas da malsauns sin 10% da las entradas.

Nagina reduziun da las pajas

Paul Rechsteiner, il president da l'Uniun sindacala svizra, ha punctuà en ses plets d'avertura dal congress a Berna ils gronds problems per las personas che van ils proxims onns en renta. Las rentas da las casas da pensiun vegnan a sa sminuir vinavant cumbain ch'ils lavurers activs pajan dapli contribuziuns. Daniel Lampart, il capoeconom da l'uniun sindacala, ha stuì tadlar bleras lamentaziuns da personas che preparan lur pensiun. Lur rentas da



Cusseglier federal Alain Berset sco giast tar l'Uniun sindacala svizra.

KEYSTONE

la cassa da pensiun e l'AVS na tanschian betg per viver sco la gliעד. Raschuns èn savens ina reduziun tar la segunda pitga ed il fatg che las premias da la cassa da malsauns sminueschan la renta AVS onn per onn. Per quest motiv pretendan ils delegads ch'ils custs per la sanadad stoppian vegnir resguardads en l'index dals pretschs dals consumers. Delegadas e delegads refusan scadin augment da la vegliadetgna per retrair l'AVS e suste-

gnan la cauma da las dunnas ils 14 da zercladur 2019.

Iniziativa dal pievel per l'AVS

Lampart ha crititgà la repartiziun malgista dals meds economics acquistads comunablamain e pretendì dapli solidaritad en nossa cuminanza. Actualmain incasseschian las bancas e las assicuranzas il grond profit. En vista a la situaziun preschentada ha il congress decidì cun 149

cunter 34 vuschs da preparar in'iniziativa dal pievel che pretenda ina 13avla revisiun da l'Assicuranza per vegls e survivents (AVS).

Las mesiras accumpagnantas èn nunnegoziablas

Las relaziuns da la Svizra cun l'Uniun europeica (UE) sajan stadas in tema central ils ultims quatter onns, ha constatà Rechsteiner. Ensemen cun noss amis da

Travail.Suisse essan nus stads ils sulets cun pretensiuns cleras envers l'UE. Numnadain cun il cler gea per la cuntinuaziun cun las cunvegnas bilaterals, ma in uschè cler na cunter scadina discriminaziun sco per exempel in nov statut per saisoniers e cunter damain proteziun da las pajas e dals plazs da lavur. Las cunvegnas bilaterals, decididas avant 20 onns, èn in recept da success. Ellas muntan la lingia cotschna en la politica cun l'UE e restan nunnegoziablas, ha il president sincerà. La proteziun efectiva da las pajas è la premissa per in svilup positiv en las relaziuns cun UE. Central è er sta il sustegn da la Partida socialdemocratica e dals verds, ha accentuà Rechsteiner. Alain Berset, il president da la confederaziun, ha ditg davant il congress: «Tgi che lavura en Svizra retrai pajas svizras e quai sut cundiziuns da lavur da la Svizra!» Il congress ha engrazià a Rechsteiner per sia lunga ed engaschada lavur durant 20 onns cun in lung applaus.

Pierre-Yves Maillard

Pierre-Yves Maillard è naschì 1968 a Losanna. L'onn 1992 ha el acquistà il licenziat da phil. I a l'Universitad da Losanna. El ha appartegnì al cussegl naziunali durant ils onns 1999–2004; durant quest temp ha el manà il secretariat regiunal Smuv da Vad/Fribourg e presidià la pss vadaisa. Dapi 2004 è Maillard cusseglier guvernativ dal chantun Vad e maina il departament da sanadad e socialesser. El ha gì il curaschi da decretar restricziuns dals custs per la sanadad sin il sector chantunal.